

eiheft

2

S 26

1284 (1283) März 22 Münster.

[8 26

Das Domkapitel in Münster verkauft eine Rente an das Stift Borchorst.

Nos Walramus Dei gratia prepositus, Brunstenus decanus totumque Monasteriense capitulum omnibus presens scriptum intuentibus notum facimus, quod, cum urgentia debitorum onera nobis communiter imminerent, concordavimus in hoc omnes et singuli tam prelati quam canonici ecclesie nostre, quod de consensu venerabilis patris ac domini nostri Everhardi, ecclesie nostre Monasteriensis episcopi, abbatisse et conventui secularis ecclesie in Borchorst vendidimus pro quadraginta quinque marcis pensionem seu redditus trium marcarum Monasteriensis monete ipsis et eorum successoribus ex nostre bonis ecclesie singulis annis persolvendos in perpetuum sine more dispendio in vigilia exaltacionis, videlicet sancte Crucis, et hoc idem fraude et dolo exclusis promisimus et presentibus promittimus bona fide. Recognoscimus eciam tenore presentium nos huiusmodi quadraginta quinque marcas nobis numeratas recepisse totaliter et easdem pro magna nostre utilitate ecclesie in empcionem officiorum Dale et Aldorpe, que officia a Theoderico de Schonebecke milite et suis liberis emimus, convertisse. In cuius rei testimonium tam venerabilis patris et domini nostri Everhardi, nostre Monasteriensis ecclesie episcopi, quam nostris sigillis presens pagina communitur. Porro nos Everhardus, Dei gratia ecclesie Monasteriensis episcopus, recognoscimus et presentibus protestamur, predictum venditionis contractum de expresso consensu nostro processisse, ob quam causam etiam ad petitionem eorundem eorpositi, decani et capituli sigillum nostrum huic scripto apponi fecimus in evidens testimonium premissorum.

Datum Monasterii anno Domini M<sup>o</sup>CC<sup>o</sup> octogesimo tercio, XI Kal. Aprilis.

Transjumpt in Urkunde des Bischofs Ludwig von 1348 (= Regest 44); Sach 10 "Abgelegte Obligationen"; Kopie im Kopiar 16. Jhdts., T. IV S. 10 F. 68 Nr. 198 h fol. 30. — Zu dem Inhalt vergl. Wilman's III, Nr. 1238 u. 1239.